



KENYATAAN / SIARAN AKHBAR

Untuk maklumat lanjut sila hubungi:

Bahagian Komunikasi Korporat

Perbadanan Putrajaya

Tel: 03-88877033 Faks: 03-8881 1008

GOTONG-ROYONG BUBUR LAMBUK PERKUKUH JALINAN KOMUNITI DI PUTRAJAYA

PUTRAJAYA, 7 MAC 2026 – Bulan Ramadan 1447 Hijrah terus disemarakkan dengan penganjuran Program Bubur Lambuk Wilayah Persekutuan Putrajaya Bersama Komuniti Sempena Sambutan Bulan Ramadan 2026/1447H anjuran Perbadanan Putrajaya (PPj) dengan kerjasama komuniti setempat. Program ini telah disempurnakan oleh YBhg. Dato' Hj. Mohd Sakeri bin Abdul Kadir, Presiden Perbadanan Putrajaya. Turut hadir memeriahkan program ialah YBhg. Datuk Ahmad Faisal bin Abdul Karim, Pengerusi Majlis Perwakilan Penduduk Wilayah Persekutuan (MPPWP) Zon Putrajaya.

Program yang diadakan di Kompleks Kejiranan Presint 9, Putrajaya ini merupakan anjuran Perbadanan Putrajaya dengan sokongan penaja utama, Tenaga Nasional Berhad (TNB) mendapat kerjasama yang erat dari Majlis Perwakilan Penduduk Wilayah Persekutuan (MPPWP) Putrajaya dan Stella Kasih Medical Centre Putrajaya, sekali gus memperlihatkan sinergi antara agensi kerajaan, sektor korporat dan komuniti dalam menyemarakkan aktiviti kemasyarakatan di Putrajaya.

Melalui program ini, ahli komuniti berganding bahu menyediakan bubur lambuk secara gotong-royong sebelum diagihkan kepada pelbagai lapisan masyarakat. Antara penerima agihan bubur lambuk termasuk komuniti sekitar Putrajaya, pengunjung bazar Ramadan, anggota keselamatan dan pertahanan Malaysia, hospital-hospital di Putrajaya serta beberapa lokasi lain di sekitar Putrajaya

Sebanyak 24 buah periuk bubur lambuk telah dimasak secara bergotong-royong oleh lebih dari 350 orang peserta yang terdiri daripada komuniti Putrajaya, PDRM, Bomba, Persatuan Mencegah Dadah Malaysia (PEMADAM), Majlis Agama Islam Wilayah Persekutuan Putrajaya (MAIWP), Persatuan Warga Emas Putrajaya (PERWEP), Pusat Aktiviti Warga Emas Putrajaya (PAWE), Agensi Anti-Dadah Kebangsaan (AADK), Lembaga Kebajikan Perempuan Islam Malaysia (LKPIIM), PutraKop, Pertubuhan Kebajikan Pembangunan Insan Malaysia, Kelab Usahawan Putrajaya (KUPPutra), persatuan-persatuan Sukan Putrajaya, Gerakan Belia Putrajaya, Kelab Media Putrajaya dan juga warga PPj.

Sejumlah 12,000 pek bubur lambuk telah disediakan untuk diagihkan kepada komuniti setempat, surau-surau sekitar Putrajaya serta anggota keselamatan dan barisan hadapan termasuk Polis Diraja Malaysia (PDRM), Jabatan Bomba dan Penyelamat Malaysia, Angkatan Pertahanan Awam (APAM) Putrajaya, Hospital Putrajaya serta Institut Kanser Negara (IKN).

Melalui penganjuran program seperti ini, Perbadanan Putrajaya berharap semangat kebersamaan dan perpaduan dalam kalangan komuniti Putrajaya dapat terus diperkukuh, di samping menyemarakkan lagi penghayatan bulan Ramadan melalui aktiviti kemasyarakatan yang memberi manfaat kepada masyarakat setempat.



SITI FADHILAH BINTI RAMLI

Pengarah (Komunikasi Korporat)

Perbadanan Putrajaya

Tarikh:

Keterangan lanjut berhubung siaran media ini, sila hubungi Pegawai Media PPj, Encik Asmawi bin Ahmad di talian 012-6155516 dan Puan Haryani Binti Kaulan di talian 019-383 1564.